



**SIUMUT
INATSISARTUT**

UPA 2017/112

11. maj 2017

Tunumiut Kalaallisuuinik Kalaallisuuiliornermut Ilinniarfissamik Naalakkersuisut Tasiilami pilersitsiniarnissaat pillugu peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq, Laura Tàunâjik, Siumut)

Inatsisartunut ilaasortap Laura Tàunâjik aalajangiiffigisassatut siunnersuutaanut Siumumiit imaat-tumik oqaaseqarfigissavarput.

Inuaat kikkulluunniit kulturertik aallaavigalugu tigussaasunik tigussaanngitsunillu kinguaariinnut tulliuttunut ingerlatitseqqittarput. Nunatsinni eriagilluinnakkatsinnut ilaapput kalaallisuvut, assuu-tit nalliuottorsiornermi tulluusimaarutigalugit atortakkavut. Nunarput isorartoorsummat atisalior-taatsivut assigiinngisitaarput, naak periuseq atorneqartoq tassa mersullaqqissuseq sumiiffinni ta-mani takuneqarsinnaagaluartoq. Sinerissap annersaani kalaallisut amerlanernik atorneqartartut ava-nersuarmi immikkut immikuullarissuseqarput soorlu aamma tunumiut atisaat taamaattut.

Kalaallisut pingaartumik arnat kalaallisui kulturinik allanik naapitsinernik annertuumik takusas-saqrifiipput, kingumullu atisat ineriantorsimaneri qiviaraanni Europamiunik naapitsinermi niueqa-teqarnermilu qalipaatit takorannersut nammitsinnik pissarititatsinnut ilanngullugit ilusilersuga-a-llutik.

Nuannaarutissaavoq ullutsinni inuusuttortatta kalaallisut qanoq suliarineqartarerinut soqtigin-illutik peqataarusussuseqarnerat annertusiartuldersimasutut immat. Inuaassutsikkut atisavut ava-taanniit tikittunit alutorineqarlutik soqtigineqartaqaat, uagullu inuiannut allanut kiinnernitsinnut aamma takussutissatut pingaartillugit atortarpavut tulluusimaarutigalugillu.

Kinguaariinnut ingerlatitseqqittarneq kulturitta innarlittaalineqarneranut pingaaruteqarluinnarpoq, qujanartumillu aamma kalaallisuuiliornermik ilinniarfik kisiat isumalluutiginagu inuit namminneq piuressutissatut pingaartillugit atortarpavut tulluusimaarutigalugillu.

Kalaallisuvut pingaartumik arnap kalaallisuuvi suliaapput imaannaanngitsut, puisillu amiata assi-
giinngisitaartumik atorneqarnera suliassarujussuulluni. Tunumi kallaallisuliorneq tunuamiut nam-
minneq aamma periuseqarlutik iluseqarlutillu ingerlataraat, tassuunakkullu ertsertarpoq nunatta
sumiiffinni namminneq periutsiminnik qangaaniilli oqaluttuassartaqartumik ataaqqinnillutik ingerlat-
sinerat.

Nuannaarutissaavoq Naalakkersuisut siunnersuut tigulluarlugu ilalermassut, uaguttaaq siunnersuut
ilalerlugu Siumumiit ataatsimiitsitaliamut susassaqartumut aappassaaneerneqartinnani ingerlateq-
qinneqarnissaa innersuussutigaarput.

Vivian Motzfeldt

Siumut